

**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Vtrum Angelus cognoscat seipsum. artic. 1. disputat. 1.

[urn:nbn:de:hbz:466:1-73915](#)

QVÆSTIO LVI.

De cognitione Angelorum respectu rerum immaterialium.

ARTICVLVS I.

Vtrum Angelus cognoscat seipsum.

DISPUTATIO I.

DISPVTARE incipit de obiectis ad quæ se extendit cognitione Angelorum; atque in hac questione disputat de obiectis immaterialibus. In hoc verò primo articulo, licet petat, an Angelus seipsum cognoscat, potissimum tamen immoratur in explicando modo, quo seipsum cognoscit, vtrum scilicet per suam substantiam concurrentem in modum speciei intelligibilis, an per speciem aliquam superadditam.

Angelus per suam substantiam quo patto se cognoscit.

Quid de hac re dicendum sit, ex iis, quæ quæst. 12. articulo 2. & alijs sive in superioribus diximus, est manifestum. Cum enim ea ratione solum species constituantur, ut vicem obiecti supplet, concurreatque efficienter loco illius cum potentia ad productionem notitiae, idque quando obiectum ipsum idcirco id per seipsum non potest præstare, quod vel non sit sufficienter coniunctum cum potentia, vel non sit ei in gradu spiritualitatis proportionatum, ut cum ea possit concurrere, consequens profecto est, ut cum substantia Angelii cum intellectu Angelico sit sufficienter coniuncta, eisque in gradu spiritualitatis sit proportionata, necessaria non sit alia species, per quam Angelus se ipsum cognoscat, sed satius sit substantiam ipsam Angelii concurrere cum intellectu Angelico in modum speciei intelligibilis ad eliciendam, producendamque intellectuonem ac notitiam, qua Angelus seipsum intelligat. Atque in hoc conuenit cum D. Thoma Scotorum in 2. dist. 3. quæst. 8. Idem propter eamdem rationem affirmat de anima rationali separata à corpore, tametsi dum immersa est corpori, cùd quod pro eo statu non intelligat nisi per conuercionem ad phantasmatum, & quantum ex rebus, quæ sentiuntur, manu ducitur, nequeat se ipsum intelligere per seipsum concurrentem in modum speciei intelligibilis, sed solum arguitu ex suis operationibus.

Intellectus concurreat efficienter tamquam pars causa ad intellectuonem.

Scotus loco citato tribuit D. Thomæ quasi fuerit arbitratus, intellectum per seipsum solum concurreat passiuè ad intellectuonem, per speciem verò concurreat efficienter. Vnde infert, si species intelligibilis, aut id quod in modum speciei concurreat ad intellectuonem, non informet intellectum, sed si quid subsistet, nullatenus intellectuonem tribui posse intellectui tamquam ei, à quo emanet efficienter: quemadmodum, inquit, si calor, quo aqua calida manum calefacit, non informaret aquam, sed subsisteret, calefactio non tribueretur aquæ. Perperam tamen Scotus dicit D. Thomam fuisse arbitratum intellectum non concurreat per seipsum efficienter ad intellectuonem, tamquam principium illius efficiens partiale & immediatum, quod, vñā cum specie, quæ se tener ex parte obiecti, estque quasi instrumentum illius, producat intellectuonem. Confitetur namque D. Thomas, non secus ac Scotus, intellectum & obiectum, aut intellectum & speciem, quæ vicem obiecti subit, tenetque se potius ex parte obiecti, quam ex parte potentie, concurreat ad intellectuonem tamquam duas partes unius integræ agentis immediati,

Aduina in D. Thom.

A & vitamque immediatè influerat in intellectuonem. Neque video, unde Scotorus colligere potuerit contrariam esse D. Thomæ sententiam, nisi forte ex eo, quod D. Thomas sive affirmet, *speciem esse formam, qua intellectu intelligit*: quod non idcirco affirmat, quasi negare velit intellectum per seipsum habere immediatè peculiarem, partialēque influxum ad intellectuonem, sed quia species informat intellectum, ab eoque sustinetur, estque partiale agens loco obiecti, quod cum eo concurrit, ipsiusque determinat ad intellectuonem, non secus ac causa particularis determinat vniuersalem, tum vt effectus sit, tum etiā vt sit potius huius rationis vel ulterius.

Hoc adnotato, superutacaneum duxi referre, ac soluere rationes Scoti, quas Capreolus in 2. dist. 3. quæst. 2. ad argumenta contra quintam conclusionem, Caietanus hoc loco, & Ferrariensis 2. contra gentes cap. 98. soluere nituntur. Neque enim cum sententia D. Thoma pugnant, neque Scotus à conclusione & doctrina huius articuli loco citato dissentit.

Circa vñionem obiecti cum potentia cognoscente, ut instar speciei intelligibilis possit immediatè cum ea concurrere ad productionem intellectuonis ac notitiae, iam suprà q. 12. art. 2. ostendimus sufficere, quod obiectum sit potentia coniunctum secundum spaciū, hoc est, ab ea indistans eidēque proportionatum, eoque modo esse coniunctam efficientiam diuinam cum intellectu crearo perfuso lumine glorie, prius natura quam efficienter cum eo concurrat ad eliciendam visionem beatificam. Non distare namque ab intellectu, habet semper essentia diuina eo ipso, quod intellectus est in rerum natura: quippe cum essentia diuina sit vbiique: proportio autem inter vtrumq; prouenit ex lumine glorie, quo intellectus circatus eheatur, accommodansque sit ad concurredum cum essentiis, atque ad eliciendam visionem beatificam. Quod autem simile vñionis modum habeat substantia angelii cum suo intellectu, ex eo est manifestum, quod vtrumq; merè spiritualiter sit, euimdlēmq; gradum spiritualitatis habeat, & non solum non distet inter se, sed etiam habeant alium coniunctionis modum, nempe subiecti cum suo accidente, quod non solum est in ea tamquam accidens in suo subiecto, sed etiam fluit ab ea efficienter tamquam passio à suo proprio subiecto.

Duobus ergo modis substantia angelii influit ac concurreat ad cognitionem, quam angelus de seipso format. Vno, mediare, mediante scilicet intellectu, quo vitaliter, tamquam potentia cognoscente elicit cognitionem. Altero immediatè, quatenus scilicet, tamquam causa partiælæ concurreat cum intellectu in modum speciei intelligibilis. Atque hic concursus (quicquid lectatores D. Thos dicant) nullo modo est tribuendus intellectui angelii, sed substantia angelii præcisè, esto, quando intellectus intelligit aliquod obiectum per speciem, concursus speciei tribui aliquo modo possit intellectui, in quo est tamquam in subiecto. Sicut enim calefactio, quo aqua calida calefacit manum, tribuitur aliquo modo aquæ, quatenus videlicet haberet in se, ac sustentat caliditatem, quæ non est ipsius, sed ignis, qui in ea impressit proprium instrumentum ad calefaciendum: si etiam concursus speciei intelligibilis, quæ est in intellectu tamquam in subiecto, tribuitur aliquo modo intellectui tamquam subiecto à quo sustentatur, esto non rā sit instrumentum intellectus, quam obiecti, quod eam impressit. Concurrit verò quo substantia Angelii in modum speciei intelligibilis concurreat, quia est immediatè ab ipsa substantia, neq; substantia sustentatur.

Ccc 2 ab

Angeli substantiam sufficienter esse coniunctam suo intellectui ad intellectuonem sui productionem.

Angeli substantiam suo modo in fluere ad suis intellectuonem.

ab intellectu, aut intellectus est illius causa in aliquo genere cause, sicut è contraria substantia Angeli causa est tum efficiens, tum etiam materialis sui intellectus, nullo modo tribuitur intellectui, sed solum substantia Angeli.

Obiectio.

Solutio.

Quod si quis aduersus huiusmodi immediatum concursum substantia Angeli in genere cause effectus ad suam ipsum intellectuonem nobis obiciat, actionem emanare non posse immediatè à substantia, eaque ratione constitui in substantiis potentias ab eis realiter distinctas, à quibus immediatè emanent operationes & actiones. Dicendum est, illud esse verum de actione reali, vt distinguatur contra actionem intentionalem, qua species, aut etiam imagines expressæ, tamquam à causa partiali producuntur, qualis est influxus, de quo modò loquimur. Sicut enim coloris, qui non sunt qualitates effectivæ actionis realis, producent species actione intentionali: à substantia, licet producere nequeant immediatè actionem realem, producere tamen possunt actionem intentionalem. Addit, quamvis à substantiis non emanent operationes propriæ dictæ, emanare tamen efficiunt potentias ac proprietates: id verò longè plus est, quam ab eis emanare effectus, actionesque intentionales.

DISPUTATIO II.

Vtrum Angelus cessare posset à cognitione sui, & naturali Dei.

Sectatorum
D. Thomæ
opinio.



Vero Angelus non posset cessare à cognitione sui, affirmant Herueus in 2. dist. 3, quæst. 4. ad primam rationem principalem, Capreolus ibidem quæst. 2. ad secundum contra quintam conclusionem, citatq. pro hac sententia D. Thomæ q. 8. de veritate art. 9. ad septimum, idemque affirmant alii sectatores D. Thomæ.

1. Conclusio. Probabile est Angelum numquam cessare à cognitione sui. Probatur primò, quia præstantius est esse in actu, quam in potentia: sed inter res omnes creatas Angelus est præstantissimus: ergo erit semper in actu aliquius saltem operationis: neq; est alia, in qua magis videatur esse semper in actu inter omnes, quæ supernaturales non sunt, quam cognitione sui: eo quod sit præstantissimi obiecti inter ea quæ intuitu cognoscit, ex eoque melius, quam ex quo quis alio, deuenit in notitiam naturalem Dei. Accedit, quod ipsi est præfertilissimum, maximèque proportionatum, præfertil cùm valde consonum sit rationi, vt Angelus numquam sit omnino oriosus, maximè cùm operando non defatigetur, maximāque capiat volupratem ex rerum contemplatione, & potissimum ex penetratione sua naturæ. Secundò, viuentia corporeis numquam cessant ab operatione vita, quia saltem semper nutritur: ergo neque Angelus cessabit ab operatione vitali sibi naturali: non est verò alia, à qua minus videatur cessare, quam à cognitione sui.

2. Conclusio. Non est certum, quod Angelus non posset cessare à sui cognitione. Probatur, quia ad cognitionem necessaria est attentio potentiae, quia ad imperium voluntatis poterit tam intentionem non est. sè ad tam multa alia contemplanda applicari, vt Angelus pro tunc ad propriam substantiam non attendat. Licet ergo verissime sit Angelum cessare non posse à cognitione, vel sui, vel aliorum obiectorum indeterminatè, non secus ac homo apertis oculis, & in præsencia obiectorum lumine illustratorum, non potest non videre aliquod eorum indeterminate, id-

Artic. ij.

que videantur probare rationes, quibus præcedens conclusio confirmata est, non tamen videtur certum, eum cessare numquam posse à contemplatione sui, tamen si verisimile admodum sit, cum ratiō, aut numquam ab ea cessare.

Quod ad secundum artinet, cùm naturalis beatitudine contemplativa Angeli posita sit in naturali Dei cognitione, quam Angelus (vt art. 3. dicetur) ex sua ipsius substantia, ceterisque rebus creatis cognitis comparat, sicut sicut probabile est Angelum numquam desistere à cognitione sua propria substantiae, sic probabile iusaduc est, numquam cessare à naturali Dei cognitione. Tum quia Dei naturalis cognitio nobilior est, quam cognitionis propria Angeli essentia, ad eaque plus Angelus afficitur, ex eaque plus obiectum percipit, quam ex contemplatione sua substantiae. Tum etiam, quoniam cognitionis Angeli, sicut sit propriæ essentia, sive cuiusvis alterius rei naturalis (etiam Angeli superioris, vt artic. seq. dicetur) est comprehensio; comprehensio autem cognitionis rei naturalis esse nequit sine notitia naturali Dei, quatenus ea res à Deo, vt à prima causa pender: quare cum probabilius sit Angelum numquam cessare à cognitione naturali aliquis rei indeterminatè, quam à cognitione propria essentia: probabilius quoque erit numquam desistere à cognitione naturali Dei, quam à cognitione propria essentia. Vtrum autem concedendum sit demones beatos esse beatitudine contemplativa naturali, inferius quæstione 6. articulo primo dicetur.

ARTICVLVS II.

Vtrum unus Angelus alium cognoscat.

QUÆSTIO hæc etiam excitatur, vt explicetur modus, quo unus Angelus alium cognoscit. Ex Scripturis namque constat, Angelos se inuicem cognoscere, & inter se mutuo loqui, & agere. Præterea, cùm nullius eorum substantia sit obiectum improportionatum comparatio intellexus aliorum: lumen quoque naturæ docet, Angelos se mutuo cognoscere.

Ex sententia D. Thomæ unus Angelus cognoscit alium per speciem innatam. Quoniam sicut Deus vniuersique Angelorum in instanti, in quo eum creauit, infudit species rerum omnium corporæ, quibus eas possint intelligere: sic quoque infudit species aliorum Angelorum, ceterarūque rerū spiritualium, quibus eas intuitu valerent cognoscere.

Quo loco animaduerte, vnumquemque Angelorum, in primis non posse cognoscere ceteros Angelos per suā propriā substantiā. Licet enim illa sufficiēt sit, vt seipsum perfectissimè cognoscat, arque adeò vt cognoscendo prædicta omnia, que in ipso includūtur essentialiter, cognoscat etiā ceteros Angelos quoad prædicta omnia sibi cū illis cōmuniā, non tamen est sufficiens, vt illos cognoscat quoad prædicta illis propria, quib; ab eo distinguuntur: quodquidem hæc, nec formaliter, nec eminenter, continentur in ipsius substantiā, esto ipse Angelus superior ac perfectior sit: quippe cùm inferiores Angelii effectus nō sint, nec esse possint superiorū, vt eos eminenter contineant. Deinde unusquisque Angelorum non potest alios cognoscere per illorū substantias, saltem quando absentes sunt: eo quod id, quod in modum speciei intelligibilis influere debet ad intellectuonem, distare non debeat ab intellectu, cum quo debet eo modo concurrere. Vt ergo unusquisque Angelorum possit ceteros, etiam quando distant, intelligere, necessarie est, vt in singulis

Ang.